



G. 359b. 8 No 9. 389 2 18

> Bought with the Charlotte Harris Sund Charlestown Branch.



Digitized by the Internet Archive in 2010 with funding from Boston Public Library

80 11-116





ADVIS AV ROY

WEN L'OCCURRENCE

DES ESTATS GENERAVX.

Des moyens de bannir le luxe du Royaume.

D'establir yn grand nombre de ma-

nufactures en iceluy.

D'empescher le transport de l'argét & faire demeurer par chacun an dans le Royaume pres de cinq millions d'or, de sept millions ou enuiron, qui en sont transportez. Et en affoiblir d'autant aucuns estrangers.

De faire par chacun an, vn fonds affeuré, qui pour ra estre destiné en des armemens de mer. Afin, de pouvoir employer beaucoup de Noblesse, de gens courageux. Eniter les guerres civiles, en faire de grands progrez conquestes: en fin rendre la France l'vne des plus grandes & redoutables Monarchies qui fut oncques. Le tout à la gloire de Dieu, à la grandeur du Roy, sans diminution ny charge de ses sinances. Au bien commun de tous ses subiects, sans aucunement les charger. Ains au contraire les descharger de beaucoup. 1614.

ANAMUNICUMUM MOTROS

+ * G 389 B 18

Chi Houses Fd. July 14, 19,03



SIRE,

Les anciens Rois, vos predecesseurs, se sont acquis ce grand & supreme tiltre de tres Chresties, aux guerres qu'ils ont eues auecles Sarazins, Turcs & ennemis de la foy Chrestiene, Auec lesquels ils n'eurent oncques amitie ny alliance, considerans ces bons Rois (-& tres-iustement) que ce seroit irriter Dieu, en faisant amitié & alliance auec ses ennemis, aussi lors eux & leurs Royaumes ont esté en grande prosperité, & specialement protegez de Dieu, les subjects estoient zeles enuers leurs Majestés, & ne s'en trouua iamais aucun qui eust pensé d'atenter à son Prince, l'impicté, l'iniustice, le luxe, la paillardise, les duels, & tant d'autres vices qui corrome pent auiourd'huy ce Royaume, n'y auoient nulle entrée. Chacun y viuoit en la crainte de Dieu, & en l'obeïssace que le subject doit à son Prince legitime & naturel. Ces grands Rois estoient la terreur des Princes d'Orient infidelles; qui de tout temps ne s'estoient imprimez autre crainte que les armes Françoises. Sinon en l'an-

A ij

Doncques en l'année 1535. le Roy François fit amitié & alliance auec Soliman Empereur des Turcs (qui sont les premieres qui iamais ayent esté faictes entre nos Rois & les ennemis de la foy) Mais ainsi que nous resmoignent les Escriuains & Historiens de ce temps là, si ce bon Roy, eust peu veoir vne asseuree paix auecses ennemis, sans doute, il auroit quitte ceste alliance, laquelle depuis la paix faicte auec les Espagnols, au subiect des pretentions d'Italie, a esté ce semble maintenuë en partie, sur la consideration de la Douanne de Lion (inuentee en l'année 1540.) par aucuns Italiens, pour pouuoir au preiudice du bien de la France maintenir les manufactures de Soye en Italie, & d'ailleurs possible sur l'vtilité qui en reuenoit à aucuns, preferans leur interest particulier à la gloire de Dieu, à la grandeur de nos Rois, & au bien commun, non seulement de la France': mais de toute la Chrestienté. Car depuis ce temps, les Turcs n'ont eu nos Rois ensi grande consideration qu'ils auvoient auparauant, au contraire se sont imprimez nous estre tellement necessaires, que sans ceste alliance & le commerce que nous auons en leur païs, la France ne pourroit subsister, & ce qui leur confirme ceste eronnée creance, est la façon de ce Commerce, qui ne se faict auiourd'huy qu'auec argent monnoyé, & non auec commutation & change de marchandise, comme se doit faire tout legitime & vray Com-merce en pais estranger: car pour l'entretenir, il n'y a année qu'il ne soit transporté seulement par la ville de Marseille plus de sept millions d'escus en argent, parmy lesquels il y a quasi vn tiers de monnoie du coing de France, chose qui est assez cognue mesme que l'escu de Francs & demy Francz vaut le plus souuent en la ville de Marseille jusqu'à soixante neuf sols, & s'expose en Constantinople, & en aucunes autres villes de l'Empereur des Turcs iusqu'à la valeur d'vn Sequin de Turquie, c'est ce qui cause aujourd'huy la penurie d'argent en vostre Royaume, où il nese trouue quasi plus de monnoye, & encores si peu qui s'en trouue, est estragere & beaucoup moindre en a loy, que la vostre : Les Francs, demy Francs, testons & quarts d'escus du coing de France, sont maintepant en Turquie & en Italie, & principallement en Turquie en grande quantité, & sont vos subjects en ceste penurie beaucoup incommodez en leur negoce & focieté.

7

Or SIRE, tel Commerce altere, non seulement le commerce general de tout vostre Royaume, mais y causera de grands maux s'il ny est remedié: quoy faisant l'on en bannira le luxe, source de toute impieré & la ruine des Monarchies & Republiques, apres il restera par chacun an en vostre Royaume plus de cinq millions d'escus des sept millions qui sont transportez és pais de l'Empereur des Turcs, & en Italie outre qu'il s'establira grand nombre de manufactures en vostre Royaume & si beaucoup de vos subiects seront employez, qui au negoce, qui aux manufactures, quià la milice, & chacun selon son inclination, sans que pource il arriueaucune diminution de vos droicts: au contraire augmenteront de beaucoup, & non pas les charges de l'Estat, ainsi que i'esperefaire veoir. Mais ie représenteray premierement à vostre Majesté que le commerce qui se fait maintenant de la ville de Marseille en Leuant, ne se fait doncques par aucune commutation & change de marchandise, ainsi qu'il sefaisoit au commencement qu'il fut permis par le Roy François: Carlors il n'estoit porté au païs de l'Empereur des Turcs, que des denrees de vostreRoyaume, notamment des draps

d'escarlatte, qui estoient la pluspart fabriquez en vostre bonne ville de Paris. Et ainsi les subjects se ressentoient aucunement de ce commerce: Mais maintenant & depuis quelques années l'on ne porte que del'argent monnoyé, qui monte par an à plus de sept millions d'escus, seulement transportez par la ville de Marseille, sans ce qui se transporte d'ailleurs, vne bonne partie decest argent prouient des bleds & toilles qui sont transportez de vostre Royaume en Espagne, & seroit bien difficile, voire impossible, d'empescher auiourd'huy, que ce commerce se feist autremer. Les principaux qui l'entretiennent sont Italiens & estrangers qui resident à Mar-seille, où ils sont ordinairement amener grande quantité de marchandises qu'ils enuoyent apres hors le Royaume en diuerses prouinces. Mais principalement font venir les Soies de Leuant, & apres les dispersent à Gennes, Lucques, Milan & autres villes d'Italie, là sont manusacturées & les manufactures apportées envostre Royaume, apres auoir payé de grandesimpositions, tantau païs de l'Empereur des Turcs, aux villes d'Italie, où se font les manufactures, qu'au païs du Duc de Sauoye, où elles passent pour ve9

niren vostre Royaume, les mesmes impositions sont leuées en Italie sur les manufactures qui s'y font des Soies du païs & de Cicile, toutes ces impositions sont remboursees par vos subjects, qui plongez dans le luxe, par l'abondance de ces estoffes, ont laisse la modestie & decence qui estoit encore au regne de ce bon Roy Loys XII. qui acquist le riltre de Pere du peuple. Les estrangers se preuallent doncques dece commerce à nostre confusion & ne nous imitent pas en cela: carà Venise, qui est auiourd'huy vne grande & riche Republique, & à Gennes qui est l'vne de ces villes, où se font la pluspart de ces manufactures, les seigneurs, Gentilshommes & Citadins sont simplement vestus de drap ou serge. L'on vous supplie, SIRE, de considerer que vous ferez de grandes choses en reuoquant d'vn costé cestealliance & le negoce de Leuant, & de l'autre interdisant l'entrée en vostre Royaume, tant des manufactures de Soie que des draps estrangers.

Comme aussi Sire, d'interdire l'entrée des pierreries & perles, dont vostre Royaume n'est que trop remply, asin qu'au lieu de tant de luxe & superfluitez qui sont iettez en vostre Royaume l'ar gent y abonde & puisse seruir à la grans

deur & augmentation d'iceluy.

En premier lieu ceste reuoquation d'alliance sera faicte à la gloire de Dieu, & comme il n'y en a iamais euëaucune, sinon apres le deceds de ce bon Roy Louys XII. sous le regne duquel la France estoit en autant & plus de grandeur & felicité qu'elle fut oncques, elle sera esteinte & supprimée par vostre Majesté qui porte le mesme nom, & en aurez vne gloire perpetuelle, vous bannirez de vostre Royaume celuxe, source d'impiere, d'iniustice de paillardise, de larcin, & de rant d'autres vices & corruptions, qui auec grand scandalen'y sont que trop frequens: Car pour farisfaire à celuxe, la iustice en est quelquefois alterée, & se comettent grandes paillardises. Les Gentils-hommes & autres, vossubjects, quine possedent aucuns Offices, & ausquels est demeure quelques commoditez, sont contraints de les vendre ou s'engager, Et les autres desnuez de commoditez, se iettent au meurtre & au larcin. Tất de mariages sont auiourd'huy differez sur la crainte d'estre opprimez par ce monstré, qui se faice ordinairement contribuer la moitié du dot (outre vne granderecognoissance annuelle) & s'est

depuis sept ou huich années, rendu s'y orgueilleux qu'il ne veut plus cheminer sur terre: mais estre en carrosse somptueusement pourmené: Tellement qu'il rire la substance des maisons, la faict passer en Turquie & en Italie, laissant apres les peres de familles inquierez & molestez de debtes & viores, & lans aucun moyen de pouruoiraux mariages de leurs enfans, & Dieu sçait le mal qui (quelquefois) en arriue. Beaucoup de pensions & dons sont obtenus de voltre Majesté par importunite, pour le coteter. Brefil se trouve peu de Republiques& Monarchies, où il a esté întroduit qu'il n'ait mis en decadence & ruine. Nous trouvons en l'antiquité que la Monarchie des Perses, qui soubs le dernier Roy Darius estoit l'une des plus grandes qu'il y eustiamais, lors elle sembloir estre arriuée au comble de felicité, soit pour l'estenduë de ses limites, & les grands threfors qui auoiot esté amassez & conseruez par les Rois, fut en fin ruinee, & en ces derniers siecles, que le luxe & les superfluitez, ont esté principallement cause de la perte du dernier empire des Grecs, qui furent subjuguez par les Turcs, en ceste si renommée ville de Constantinople. Au moins est-il ainsi affermé par le Cardinal

B ij

Bessarion, natif de Trapezonce.

Avevns du vulgaire estiment qu'apres que vostre Majesté aura par Edict publicq', diminué les pieces d'or de ce que par les desbordemens elles s'exposent maintenant, la monnoie d'argent se trouuera plus comune en vostre Royaume C'est-ce qui semble ne pouvoir estre pour vne raison que l'ay estimé de representer à vostre Majesté, & laquelle est de tres-grande considération. L'on sçait assez qu'enuironles années 1600, 1601, 1602, 1603, & 1604. leluxe des habits de Soyen'estoit si grand & si frequent, lors les realles qui sont par chacun an tirees d'Espagne pour les bleds & les toilles qui y sont transportez de vostre Royaume, sussissient pour enuoier en Turquie & y payer les Soyes qui en estoient tirées: mais depuis ces années là, ayant le luxe de beaucoup augmenté, on a esté contrainct d'y enuoier de la monnoie du coing de France: & plus ce luxe continuera en nous, plus doncques serons nous contrains en enuoier. Car en effect il nous faut payer les Soyes (à quelle nation aux Turcs, lesquels ne veulet pren-dre autre chose de nous que de l'argent monnoié.

LE SECOND bien qui en arriuera en

vostre Royaume, sera l'establissement & augmentation d'vn grand nombre de manufactures de draps fins, reuesches, serges & sergettes fines, dont vos subiects s'accommoderont en leurs vestemens. La fri? ze de laine d'Espagne & de Languedoc fera autant & plus salubre que la panne de soye, la pluche & les velours qu'il faut faire venir des pais estrangers, & dont grand nombre, qui sans tiltre de Noblesse ny charge de Magistrat sont aujourd'huy fourrez. Les serges appellées de Sagouy, de Lymestre, de Languedoc & autres serges & sergettes fines, leur seront aussi propres que le satin & les velours ramagez & à figure. Et ainsi pour auoir vn habit qui leur est decent & conuenable (au temps d'Hiuer) il suffira de la somme de cent ou six vingts liures, au lieu de cinq ou six cens liures que leur coustent les habits, dont ils sont maintenant trauestis. Les sergettes, camelots & moncayars, seront aussi autant propres pour la saison d'Esté, que tant de taffetas de nouuelle inuention. Les draps d'escarlatte & autres fins & sergettes fines, plustost enrichis de quelques boutons d'or esmaillez & trauaillez envostre Royaume, seruiront aux vestemens des nobles, pour les pouvoir discerner des-

roturiers, & lors beaucoup de vos pauures subjects qui aujourd'huysont reduits à la mendicité, & ne peuvent d'avantage demeurer en vostre Royaume, seront employez, trauailleront, gaignerot leurs vies, & par consequent payeront d'autant mieux les tailles & charges ausquelles ils sont tenus vers vostre Majesté, & comme le nombre de vos subjects augmentera par l'establissement de telles manufactures, augmenteront aussi de beaucoup vos droicts. Notamment ceux du sel & hui-Aiesme du vin, l'Espagne suppléera à nos laines, s'il est besoin, & pour icelles ne sera transporte argent hors le Royaume. Car nous y pouuons traffiquer par commutation, & puis cela sera peu de chose. Il ne sera plus de besoin de recourir aux estrangers pour auoir draps de soye: Car ilse trouuera encore assez de manufacture en vostre Royaume pour les vestemens des Princes&Princesses, Seigneurs & Dames, & autres ausquels vostre Majesté voudra permettre le port d'habits de soye, & s'il se trouue lors trop d'ouuriers de soye en vostre Royaume, ils pourrot estre employez en la manufacture des serges. Chose qu'ils apprendront incontinent. Et quant aux soyes qui y seront necessaires, vostre

Royaume en pourra produire vne partie, & l'autre se tirera facilement de Sicile, & estans vos subiects retirez de ce luxe, & ramenez aux vestemens tels qu'ils estoient sous Louis XII ils seront vestus & accommodez, non seulement pour leur santé, mais pour estre plus sorts, robustes & apres à vous seruir en la milice, & ne seront pas nourris mols & esseminez, comme beaucoup ont esté depuis les dernières guerres (Qu'il ne soit vray) Il y en a beaucoup qui se trouveroient bien incommodez de porter és mois de luin, suiller & Aoust l'habit propre & conuenable aux armees.

L'AVTRE & troissesseme bien, sera que l'argent demeurera en vostre Royaume, Celuy qui doit prouenir des bleds, vins, thoilles & autres denrees qui sont transportez en Espagne & autres lieux, ne sera plus transporté és terres de l'Empereur des Turcs, d'où se tirent ces soyes, ny en Italie où s'en sont les manusactures. D'ailleurs les Espagnols seront lors contraincts de payer les bleds & toilles en deniers comptans, d'autant que leurs pierreries & afficquets n'autont plus d'entree en vostre Royaume, Tellement Stre, que ce sera un thresorqui s'y conservera.

CE N'EST pas assez de vous representer, SIRE, tant de gloire & de biens qui aduiendront de ceste reuoquation d'alliance: caril faut encore l'indemnité de vostre Majeste, c'est à dire faire voir que vos droits ne diminueront, aussi entendons nous, non seulement le monstrer: mais au contraire qu'ils augmenteront pour entretenir vne milice, si vostre Majesté le desire, & relle que nous auons projectée cy apres. Cependant nous considererons les fermes de vostre Majeste. La Douanne de Lyon (est ce semble) la seule ferme où vos droits pourroient diminuër. Car la ferme de la foraine & domanialle de Prouence, & Languedoc ne diminuëra en rien de ce qu'elle monte auiourd'huy; au contraire pourra augmenter, en ce qu'ainsi que nous auons dict, ce negoce de Leuant ne se faict qu'auec l'argent monnoie, & sur lequel ne se leue aucun droit. Et d'ailleurs que les toilles & marchandises qui se portoient à Marseille, seront portées, ou à Arles, ou à Thoulon, aufquels lieux se payent les droits de la foraine & domanialle, & non en la ville de Marseille, qui pretend estre deschargée de ces droits, par le moyen de certains privileges, & de ce on peut estre parti17

particulierement informé par le fermier, ou autres ayans cognoissance de la leuée & perception de ces droits de foraine & domaniallé.

Av regard des espiceries & drogueries, le Royaume n'en demeurera despourueu, l'on sçait assez qu'és regnes de Louys XII. Charles VIII. Louys XI. Charles VII. & les autres Rois qui les ont precedez, la France (qui n'auoit aucune alliance auec les Turcs)n'en demeura iamais en necessité, aussi que ce sont choses qui alterent plustost le corps humain que de le conseruer. C'est pour quoy A N-THOINE GVEVARRE ESPAGNOL auliure du Fauory de la Cour chapitre 18. se plaint de la corruption aduenue en la nation Espagnolle depuis que l'on y a apporté les espiceries du pais de CALCVT, & que la façon de couurir les tables de plats en Espagne y est venuë de France, n'ayant auparauant les Espagnols autres espiceries à faire lausses, sinon le saffran, les aulx & les oignons. Les Portugais & les Espagnols nous fourniront assez & à bonne codition telles espiceries, nous n'en auons pas tant de besoin, comme eux ont de necessité des bleds & des thoiles de vostre Royaume, qui suppleent quasi toutes les années à la sterilité de l'Espagne: Nous auons d'ailleurs ceux de la copagnie d'Ansterdan qui sont le trassic des Indes, lesquels en sournissent dessa la plus grande partie de vostre Royaume, & à aussi bon prix que celles qui peuuent venir par la

voye d'Alexandrie d'Egipte.

Q v, A N T à l'escamonee & autres drogues, dont partie se tire du païs de l'Empereur des Turcs, les Venitiens ne nous en laisseront manquer non plus que de coton, qu'aucuns de leurs pais produisent en abondance: Il vient aussi grande quantité de cottons par la voye d'Ansterdan, chacun desire se descharger de ce qu'il peut auoir argent & debiter librement, & puis les courles que pourront faire vos subiects par le moyen de la milice dont nous parlerons cy apres, apporteront en vostre Royaume la plus grande partie de l'vne & l'autre de ces choses, mesmes aucuns Turcs, Grecs ou luifs trouuerot assez de moyen de les enuoyer, quelque guerre qu'il y eust contre l'Empereur des Turcs. Dauantage vos subjects sont assez experimentez aux nauigations, & ontautant de commoditez pour faire vne telle compagnie que celle d'Ansterdan, qui nauige & negocie

droict aux Indes sans passer par la tyrannie des Turcs.

LA REVOQUATION deceste alliance, Sire, voussera (au reste dece qui enpeut dependre tres vtile & profitable) quoy qu'aucuns ayent voulu autrefois persuader le contraire. Or pour le faire veoir plus clairement, sera en premier lieu consideré que l'Empereur des Turcs ny ses subjects ne peuvent faire auec leurs forces aucun autre preiudice ny dommage en vostre Royaume ny à vos subjects, que celuy que font ordinairement les Corsaires enBarbarie, cotre & au preiudice de ceste alliance: car ses autres païs sont trop essoignez de vostre Royaume, où il ne pourroit encores venir que par mer: mais outre que ces forces de mer ne seroient suffisantes pour en ataquer la moindre des Prouinces, elles auroient à passer de grands pais des Princes Chrestiens ses ennemis, comeles Royaumes de Candie, de Cicile, de Naples & l'Isle de Malte (rempart de Leuant) routel'Italie, & les Isles de Sardaigne & de Corseigue, tous ces pais qui sont exposez à vostre Royaume luy sont ennemis, & les luy condiendroit attaquer auparauant que faire dessein de l'endommager : car si son armée naualle auoit seulement passé

C ij

iusques en Sardaigne, à peine retourneroit elle en Constantinople qu'elle ne susta
attaquee & combatuë au retour. Nous en
auons veu vne exemple ceste annee, en ce
qu'estant venu enuiron 75. Galleres de
Constantinople à Tripoly de Barbarie, &
à Thunis, elles ont esté contrainctes de
retourner diligemment & secrettement
és païs de l'Empereur des Turcs, pour
crainte qu'elles auoient de l'armee de mer
des Chrestiens, à laquelle neantmoins n'est
eschappé deux galleres de ceste armee des
Turcs.

Av REGARD des corsaires de Barbarie, subjects de l'Empereur des Turcs, ils
ont faict & font encores maintenant plus
de malà vos sujets, qu'ils ne pourrontsaire
apresla reuoquation de ceste alliance p'autant que contre la foy publique, ils pillent
& vollent vos subjects à toutes occasions
qu'ils les rencontrent és mers, depredent leurs vaisseaux & marchandises, &
font les personnes esclaues, n'ayans aucun
esgard à ceste alliance. Quoy que depuis
peu d'années il ait esté fai à certain traicté
particulier auec eux: en sin vos Ministres
les avant cognus pour gens sans soy, qui
ne recherchent qu'à piller & desrober,
ont saict ordonner par vostre Majesté l'in-

terdiction du comerce en Barbarie. Pour cela SIRE, vos subjects ne sont asseurez en leur commercevers ces Corsaires, contre lesquels a esté és années dernieres faict diuerles plaintes à l'Empereur des Turcs pour les faire chastier de ces outrages & depredations: mais au contraire qu'il les ait faict chastier & fait faire raison des larcins qu'ils auoient faicts à vos subjects, tollere & faict faire, non seulement ces outrages & larcins : mais y prend la meilleure part. Ce qui a esté assez manifesté en ceste année qu'il auoit enuové ces 76. Galleres à Thunis pour y prendre le thresor D'os-MAN D'AY viuant chef des Corsaires de Thunis, montant à plus de quatre millions d'or, ce que le Bacha de la mer n'ayant peu effectuer s'est reduit à prendre celuy du BILLERBEI DE TRIPOLY, qui peut reuenir à vn million d'or, objectant à ce Billerbey qu'il auoit esté rebelle à l'Empereur des Turcs. SIRE, la plus grande partie de ces thresors prouiennent des larcins que l'vn & l'autre de ces Corsaires de Thunis & de Tripoly ont faits és années dernieres sur vos subjects. Tellement qu'ayant l'Empereur des Turcs ainsi le moyen de recueillir de si grands thresors, à peine fera-il cesser ces larcins & depreda-

tions Aufurplus, S'IL NE LES VEVT, OV NE LES PEVT FAFRE CESSER, dequoy sert ceste alliance, rien que d'vn piege pour attifer par diuers moyens les deniers de vostre Royaume: car nuls autres de ses subjects que ceux de Barbarie, peuuent courir sur vos subjects, & cependant l'on veut ofter à vostre Majesté le moyen de s'en ressentir & les empescher. En ce que l'on vous accorde seulement de les chastier s'ils sont rencontrez en mer, & non pas de leur faire guerre en terre. Or auec ce qu'il y a beaucoup de difficulté de les pouuoir surprendre en mer, ce sont gens qui ordinairement n'ont rien, ains personnes de peu d'estime, qui se louent aux riches Corsaires, qui cependant de meurent en terre, comme faisoit cest Osman d'Ay, & font encores aucuns autres de Thunis, Arger & de Tripoly, pour ne se risquer aux perils, se contentans d'armer & fretter des galeres & vaisseaux, pour par apres les armer de telles gens. Chose qui est assez cogne ue par tous ceux qui ont nauigué en la mer de Leuant: Mais si ceste alliance estoit reuoquée on leur pourroit faire la guerre en terre & en mer. Il se joindroit aux galères & forces de mér qui sont entretenues par vostre Majesté

beaucoup de vaisseaux devos subjects, sous l'esperance du profit & progrez qui en reuiendroit.

I'A y ce femble affez fait veoir les moyens de bannir le luxe du Royaume, d'y conseruer par an cinq millions d'or, au moins de sept millions qui en sont transportez, d'establir un grand nombre de manufactures pour employer beaucoup de pauures gens, & que les Turcs ne peuuent faire plus de mal au Royaume que celuy qu'ils y ont fait & font journellement. Passons maintenant au plus graue & important, qui est d'employer la Noblesse, & les autres genereux & courageux François, & par ce moyen bannir du tour l'oissueté de ce-Royaume, qui cause ordinairement brouilleries & guerres ciuiles és Republiques & Monarchies. Mais considerons premierement quels seront les païs des Turcs, contre lesquels nous proposons disposer ceste exercice, & apres nous parlerons des moyens de l'entretenir. Ie diray docques que les païs de l Empereur des Turcs qui bornent la mer Mediterance, sont tref-grands', opulens & riches, on y trouue d'vn costé la Dalmatie, la Moree, la Grece, O toutes les Isles de l'Archi, pelago, comme austil'Isle de Rhodes. Et ceste si belle Isle de Chippre. Passant en Asie, sont la Natolie, autrement l'Asie mineur, la Caramanie, la Sirie grande & riche. Apressont contingentes du costé de Midy le Royaume d'Egipte, si renomé en l'antiquité, pour sa grandeur & richesses. Puis tirant vers le destroit de Gilbertat, se trouue Tripoly de Barbarie, les Royaumes de Thunis & d'arger. Tous ces Royaumes & Prouinces abondent en diuerses richesses, & ausquels se fait de grands trajects & negoces par les Tures, comme d'Egipte & de Syrie en la Grece, & en la Natolie. Les subiects n'y sont autrement aguerris ny propres en la milice de mer, si ce ne sont les Corsaires de Barbarie. Le grand Duc de Florence l'a tresbien sceu coprendre, qui auec huich galeres, en quoy consistent ses forces de mer, a depuis dix ou douze années fait faire de grandes prises, & y a amassé de grands threfors par les voyages que ces huict galeres ont fait en Leuant. Ce luy a aussi esté vn moyen de bannir les brouilleries & guerres civiles de son Estat. Les armemens du grand Duc sont composez la plus grande partie de vos subiects, gens de courage, qui se voyans sans exercice envostre Royaume, sont contraints le chercher ailleurs. Nous auons encore veu Monsieur le Comte de Candale & beaucoup de Gentilshommes en l'année dernière à la prinse de Climens. Aussi le pais du grand Duc est il maintenant l'asile & la retraitte de ceux qui sont contraints de quitter les terres de l'Empereur des Turcs, & recourir au secours des Princes Chrestiens. Aujourd'huy se trouue Lesmir Misseardin, qui depuis peu de temps y a apporté de grads thresors.

DE Toys les autres Princes & Republiques de la Chrestienté qui ont leurs païs bornez de la Mer Mediterannée, la teule Republique de Venise tient alliance auec l'Empereur des Turcs Nous voyons le Pape, le Roy d'Espagne, les Ducs de Sauoye & de Florence, la Religion de Malte & la Republique de Gennes, l'auoir non seulement en melpris, mais en horreur. Doncques la Republique de Venise seule tient ceste alliance auec quelque consideration. Car outre que la pluspart de ses pais, comme le Royaume de Candie, les Isles de Zante & de la Cephalonie, Corfou, & beaucoup d'autres villes de la Dalmatie, sont proches & parmy aucuns des pais de l'Empereur des Turcs (notamment de ceux où est ordinairement son armée de mer) le corps de ceste Republique en tire des commo-

ditez, en ce qu'elle fait vn grand negoce au païs des Turcs, dont les profits reuiennentau thresor public: & d'ailleurs que les droicts de gabelle sont grands sur le negoce des particuliers, ausquels est seulement permis de negocier par change de mar-chandile, comme de draps d'or & de soye, draps d'escarlattes & autres denrees. Ces choses, Stre, ne serencontrent pas à l'endroict de vostre Maiesté, au contraire tout l'argent de vostre Royaume est transportéparle commerce de Leuant: aussi seinble-il,Sire, que si maintenant n'y auoit alliance auec l'Empereur des Turcs, il n'y auroit vn seul en vostre Royaume qui ne trouuast bien estrange de la commencer, comme chose qui ne seroit agreable à Dieu, & principalement n'y ayant necesfité.

Sire, vos prouinces de Prouence & de Languedoc sont plus propres qu'aucunes autres bornees de la Mer Mediterranee, pour faire des armemens de mer, soit par le grand nombre des ports & haures, les bons Mariniers, soldats, & bastisseurs de galeres & nauires, la fertilité de ces prouinces & leurs circonuoisines, que le bois qui se trouue propre, aussi y a-il encores tant de bons mariniers, & de bons soldats

en vostre Royaume, que toutes les entreprises courses & progres sur les Turcs se font par vos subiects, qui à la solde du grad Duc, qui de la Religion, de Malte, qui du Viceroy de Naple, & autres. Car outre que les Espagnols n'y sont si propres, ils ont leurs desseins vers les Indes. Mesmeil se trouue beaucoup de vos subiects (n'estans enclins au negoce) qui ont recours à ces Princes estrangers pour obtenir la permission de faire la guerre aux subiects de l'Empereur des Turcs. Pourquoy il leur faut payer le droict de Bandiere, qui reuiendroit à vostre Majesté. Sire, si le grand Duc de Florence auec huict galeres & quelques vaisseaux ronds, armez & conduits de vos subiects a eu dessein & fait faire effort sur le Royaume de Chippre, quelles entreprises ne pourra-on faire auec treize galeres qui sont à vostre solde? & tant devaisseaux de vos subiects qui se ioindront sur l'esperance des progres & profits. Vos galleres seront aussi (lors que le desirerez) assistees des cinq galleres de la Religion de Malte, qui les accompagne. ront fort volontiers, pour participer à l'honneur & au prosit qui pourra reussir des desseins que l'on sera. Ce qu'elles ne feroient pas vers les galleres du Duc de

Florence, pour ne vouloir pas passer sous leur commandement & estre leurs inferieurs. Les Grecs reniez & autres qui peuuent estre practiquez és terres des Turcs, pour l'intelligence s'accomoderont aussi bien auec la nation Françoise qu'aucune

qui nauige en la Mer Mediterance.

OR, SIRE, sivostre Majesté desire augmenter ses forces de Mer, & les rendre couenables à vostre grandeur & à celle de vostre Monarchie, cela sepeut, & les estendreiusques à quarente ou cinquante galleres, comme elles ont par long temps autrefois esté, mesme lors que le Baron de la Garde en estoit Capitaine General, voire cesemble à cent galleres, & les entrete. nir lans charger vos finances ny vos luiets, qui au contraire se trouueront deschargez de beaucoup de despense, Pov R v E v QVE LE LVXESOIT BANNI DE VO-STRE ROYAVME. Et queles perles & pierreries, les loyes de Leuant, les manufactures de soye d'Italie, les serges de Florence, ny aucuns autres draps estrangers n'y ayent entree, bien les laines(s'il arriue qu'en ayons de besoin pour employer vo s pauures subiects aux manufactures) & si vostre Majesté sera indemnisee de la diminution de vostre domaine de Lyon, qui

pourra monter par an enuiron 250000 liu. pour laquelle indemnité nous considererons en premier lieu l'appoinctement de voltre Ambassadeur pres l'Empereur des Turcs & les voyages extraordinaires qui se font assez souvent tant en Constantinople qu'en Barbarie, sans qu'il en soit encore reuenu aucune vtilité. Or Sire, il y a au moins en vostre Royaume yn million de pertonnes qui sont reuestus de soye, aufquels la decece & modestie qui estoit sous cest heureux regne de ce bon Roy Louys XII. permetteroient seulement les vestemens de bons draps fins, serges & sergettes fines, & presuposant que chacun d'eux peut auoir seulement vn habit de Soye, & des moindres par an; nous trouverons que les estoffes, dont chaque habit ce fait, ont supporté plus de douze liures de daces, gabelle, entrees, & sorties des Prouinces & villes, & ce tant en Turquie qu'Italie L'Einpereur des Turcs tire le premier droiet, qui monte à dix pour cent, (outre quatre pour cent, sçauoir deux pour l'Ambassadeur de Constantinople, & deux pour les Consulars de Sirie) A Milan, Gennes, Lucques, & autres villes d'Italie, où se font les manufactures, se paye la Gabelle à la sortie, Puisle Duc de Sauoye prend

vne grade impolitio au pas de Suse. En fin la derniere est la Douanne de Lyon, qui est comme le plus petit droict, & seule considerable à vostre Majesté. Au contraire en toutes Republiques ou Monarchies bien policees, on a tousiours eu en singuliere recommendation que les estrangers ne s'agrandissent, & ne s'enrichissent des moyens des subjects naturels. Sivos subjects, SIRE, qui cognoissent à l'œil qu'il leur convient ainsi payer plus de douze liures par an, au moins aux Princes estrangers pour la Gabelle de leurs habits. pourquoy ne se resoudrontils pas volontiers à en payer le quart? Veu mesme ainsi que nous auons faict veoir, qu'ils seront bien vestus & mieux accommodez, pour leur santé, pour moins d'vn tiers de ce qui leur couste maintenant. Chose qui ne leur doit pas estre de petite consideration, principallement pour la manutention de leurs familles: & ce qui leur fera d'autant plus volontairement contribuer ce droit, sera qu'ils verront les deniers en prouenans estresainchement & instement employez en premier lieu, à la gloire de Dieu, pour l'augmentation du nom Chrestien, à la grandeur de vostre Majesté & du Royaume, & pour euiter les brouillerie, & guerres ciuiles, joinct que beaucoup de ceux qui contribuëront seront emploiez en ceste milice, les nobles en qualité de Capitaines & Lieutenans, & les autres chacun
selon son merite & capacité. Apres Sire,
il y a esperance que l'on aura des progres
de tels & si louables desseins qui contentent tousiours les esprits, & les faict passer beaucoup de choses qu'ils ne seroient
en autres occasions.

QVELLE grandé consideration, SIRE, auront aussi les Princes estrangers vers vostre Majesté, quand ils verront tant de forces en vostre Estat, sans l'auoir chargé de despence? Mais au contraire par vne admirable prudence grandement deschargé, & encore en diminuant la Gabelle & les droits qu'à proprement dire, les Princes estrangers mettoient sur vos subjects.

CE DROICT se pourroit donc ques leuer sur les sins draps, serges, sergettes & frizes sines, en taxant chacun selon sa valeur & bonté, & se trouuera reuenir si peu à chacun de vos subjects qu'ils ne le ressentiront. Aussi de rechef nous disons qu'il soit mis sur les draps sins, serges, & sergettes, & frizes sines: car il ne seroit pas raisonnable que les marchans, artisans & au-

tres, qui n'ont accoustume de porter habits de soye, cotribuassent à ce droit, mon intention n'estant de faire souler aucuns de vos subjects: ains au contraire les descharger & procureur aux Nobles, & autres ges de courage, vn glorieux exercice, & à tous en general, vne paix dans le Royaume.

Er quant à la leuce & perception de ce droict, elle semble assez facile & beaucoup plus, ny que les traictes foraines, la Gabelle du sel, & le huictiesme : car pour les deux premiers, il faut grand nombre de Commis, de Controolleurs, de gens de Cheual & de pied. Les vns pour empefcher que les marchandises ne sortent hors du Royaume sans payer les droits de foraine, & les autres pour empescher les fauxsonniers. Et quant à la derniere, il faut de sour en autre plusieurs personnes par toutes les villes & villages de ce Royaune qui vont chercher dans les caues & les. plus secrets lieux des maisons, pour recognoistre & veoir le vin qui se debite: tellement qu'en la leuce & perception de tous les droicts cy dessus, il y a beaucoup de peine & despense, & si il y arrive ordinairement meurtres querelles & mille autres difficultez. Ce qui n'arriuera pas en celuy

que nous proposons de faire constituer,& pour le faire veoir, nous representons que les manufactures de draps se sont en plusieurs villes, bourgs & villages de ce Royaume, mais non pas les teintures. Elles se font ordinairement aux meilleures villes, ou en celles où se trouuent la commodité des eaux qui y sont propres & les bonisient. Doncques quand l'on apporteroit les draps fins, lerges, lergettes & frizes fines à la teinture, on pourroit lors faire la leuce de ce droict, ou du moins en tenir controlle, pour apresle tirer des marchads & maistres des manufactures. Et semble que ce droict n'auroit esté si tost estably que les maistres des teintures ne l'amodiassent chacun en son lieu & demeure: & de ce s'en pourroit faire vne ferme generalle, où il ne s'y rencontreroit peine ny incomodité au respect de celles que nous auons cy dessus representees, & de beaucoup d'autres de ce Royaume. Car l'on içait assez quela teinture des draps est vne chose que l'on ne sçauroit cacher (quad l'on voudroit) en ce que le lieu de la teinture se recognoist tousiours, & puis il faut de necessité apporter les draps en l'eau courante, les lauer & puis après les seicher à l'air.

IL seble y auoir encorevne consideratio furles moquayars, camelots& autres petites estosses qui sont apportees de Flandre, dont aucuns ont accoustumé de s'accommoder en leurs vestemens. Et comme les estoffes de soye n'auront plus de cours en ce Royaume, ces petites estosses de Flan-dre seront plus recherchees pour la saison d'Esté. C'est pour quoy il sera aduisé si on en pourroit establir des manufactures das le Royaume, ou en defendre du tout l'entree. Car come nous auons cy deuat dit, ce n'est pas peu que d'empescher les estrangers de s'aggrandir & enrichir de nostre substance, si ces estosses & tant de dentelles & de passemens qui coustent aujourd'huy si cher, n'auoient entree dans le Royaume, nous ne demeurerions beaucoup de temps à veoir les Flamans bien estonnés, tant à cause que les Artisans ne gaigneroient leur vie, que pour la diminution qui arriveroit des droicts, de sortie que l'Archiduc leue sur telles choses.

Il yauroit beaucoup de difficulté, Sire, d'empescher à aucuns de vos subiects le port des bas de soye, comme estant chose assez propre, principalement en la saison d'Esté, il s'en fait aussi auiourd'huy vne grande quantité en ce Royaume, & n'au-

rons besoin de recourir ny à Milan, ny à Gennes, & puis les artisans du Royaume qui y trauaillent se plairont à les bien faire, lors qu'ils verront que l'on n'en iraplus chercher ailleurs.

I'AY cydeuant propose, Sire, quel'on pourroit s'accommoder des soyes de Sicile, au cas que celles du Royaume ne fussent suffisantes pour servir aux manufactu. res de soye qui se feront en vostre Royaume, pour les vestemens des Princes, Princesses, Seigneurs, Dames, & autres personnes ausquels vostre Majesté en voudra permettre le port. Ces Soyes ont accou-stumé d'estre tirées à la Foire franche de Messine, quise tient au mois d'Aoust, ou vont ordinairement aucunes galleres d'Italie (mesmes celles de Gennes) pour les apporter à Liuorne ou à Gennes, selon la disposition des marchans François, qui les tirent, de là sont apportées en vostre Royaume, apres auoir payé beaucoup de Gabelles & impositions, où elles passent, & semble que l'on les pourroit aller prendre iusqu'à Messine auec aucunes de vos Galleres, les apporter en l'vne des villes de la coste de Prouence, où la se leueroient sur icelles les mesmes impositions, & telles que celles que l'on auoit accoustumé

paier, par ainsi les estosses qui prouiendroient de ces soyes n'en seroient encheries, & si les Seigneurs contribueroient ainsi que tous vos autres subiects. Mais, Sire, il seroittres necessaire de ne permettres entree à aucunes autres soyes que celles qui seroient ainsi apportees par vos galeres, tant pour pouvoir leuer les droicts, que pour euiter la consusion qui pourroit par le temps se glisser en vostre Royaume sur l'ordre qu'auriez estably au port des habits.

QVELQV'VN pourroit obiecter (& possible auec raison) que ce seroit taire vn preiudice à aucuns de vos subiects qui font aujourd'huy fournis d'habits de soye, de leur defendre le port en vn moment,& que tous ces habits, non seulement leur demeureroient inutils, maisil leur conuiendroit encore trouuer argent pour achepter de ceux que nous proposons leur faire constituer. A cela, Siri, il y a remede iuste & couenable, qui seroit de leur donner vne annee pour porter & vier ces habits, pendant laquelle on auroit aussi plus de moyen de pourueoir à l'establissement des manufactures de draps que nous auons proposez, pour cela. Si RE, vos droits de Douanne ne diminueroiet: Caril y auroit bien peu de draps teints en ceste année de surceance, s'il n'y en auoit pour suppleer à ce qui manqueroit de vostre

Douanne de Lyon.

Doncoves tous ces desseins SIRE, ne vous necessiteront à aucune charge ny despence, au contraire vous apporteront vn tresgrand plaisir & contentement, principallement en l'aage où vous allez entrer: Car vous entenderez de iour à autre des nouuelles de vos courageux subjects, les vns qui auront pris quelque ville ou place, les autres combatus & pris des galleres & gallions. Bref cela animera vostre Noblesse à la vertu & les retirera des lasciuetez ou ordinairement les hommes se plongent à faute d'estre emploiez & exercez. Et en vn mot Sire; c'est que sans aucune despence on vous tracera vn cheminà vn glorieux'exercice, pour y employer vostre Noblesse, elle est néepour vous seruir & estre emploiee aux guerres. Ce cy en est doncques vn moven à l'imitation de tant de genereux & glorieux Rois & Princes vos predecesseurs, pour augmenter la foy Chrestienne, & retirer les pais & lieux saints que les Turcs infidelles occuppent maintenant par les divisions qui ont esté par le passé, entre les Princes Chrestiens. C'est aussi le moyen de supprimer les brouïlleries & guerres ciuiles, qui arriuent aux Estats & Monarchies que d'enuoier les subjects aux guerres estrangers, aucune n'est si iuste, que celle contre les ennemis de la foy, & du nom Chrestien. C'est pourquoy ceux qui sont nais & ont l'inclination à la milice, s'y porteront d'autant plus courageusement qu'ils en espereront vne louange en terre, & apres vne beatitude & selicité au Ciel.

QVELQV'VN, SIRE, voudroit possible objecter à ceste proposition que vos pais sont de beaucoup essoignez du Leuant, & par consequent n'ayant la commodité des autres Princes Chrestiens, vo. stre Majesté & vos suiets y scroient peu de progrez.D'ailleurs que l'on les exposeroit à de grands perils & dangers, de leur permettre ceste guerre. A cela on leur respodroit que le pais du grand Duc n'est gueres plus pres que vos prouinces de Prouence & Languedoc, & que la distance n'est considerable : car vos subiects auronz retraitre asseurce és païs des autres Princes Chrestiens, y seront recueillis & caressez, notamment en l'Isle de Malte. D'où mesme (ainsi que nous auons dit) vos galleres seront assistees de celles qui y

sont entretenuës: & aura la Religion de Malte à singuliere faueur de les suiure & participer à l'honneur & à la gloire de leur entreprise. Et au regard des perils & accidens, aucuns de remarque ne sont arriuez aux forces de Mer du grand Duc, quoy que de toutes celles qui sont en la Mer Mediterrance, elles ont depuis dix ou douze annees le plus fait de courses & de desseins.

LA CAVSE qui meut le Roy François à ceste alliaance, cesse maintenant que nous sommes en bonne paix, affermie depuis quelques années auec le Roy d'Es. pagne, laquelle est d'autant plus asseurce par le mariage de vostre Majesté auec l'Infante sa fille. Rien donques n'est à objecter moins à douter de ce costé, & quand aucune chose seroit, vos forces sont assez grandes, & se trouueroient superieures. Et puis, Sire, si on a aesperer des forces auxiliaires aux occasions, il est plus iuste & honorable que ce soit d'vn Prince Chrestien, & de mesme Religion. Tous les Princes & Republiques d'Allemagne, & d'Italie, sont affectionnez à ceste courone, notamment la Republique de Venise, qui pourroit du costé d'Italie, & d'Espagne temperer beaucoup de choses. Aussi auss

dous veu que le feu Roy HENRY LE GRAND, de glorieuse memoire, vostre pere, quelques troubles & guerres qu'il aix euës auec les Espagnols, qui tenoiet beaucoup de bonnes villes du Royaume, ne se voulut oncques ay der des moyens & forces de l'Empereur des Turcs, qui en esse a pour sin principalle la ruine de la Chrestienté.

IL n'y a apparence quelconque, à ce qu'aucuns se sont autresso is voulu imaginer, quesi vostre Majesté auoit reuoqué ceste alliance auec l'Émpereur des Turcs, elle setoit recerchee & receuë par le Roy d'Espagne: car l'vn & l'autre sont trop voisins, & trop puissans, pour pouuoir entretenir entr'eux telle alliance. D'ailleurs l'Empereur des Turcs sçait les pratiques & intelligences que le Roy d'Espagne. pourroit faire prendre en ses pais, soit à l'édroit des Grecs ou des reniez, pour auoir le moyen de s'emparer d'aucunes de ses Isles ou provinces. Et n'ont encores les Turcs perdu la memoire de la recherche que le feu Roy d'Espagne sit faire de Luchialy renie Calabres, qui estoit general de l'armee de Mer de Selin. Au remps de la reprise de la Goulette sur les Espagnols, pour s'emparer d'aucus des pais des Turcscequi

ce qui sembloit estre lors en la puissance de Luchiali, qui auoit auec luy grad nombre de reniez qu'il auoit constituez les vns Capitaines de gallere, & les autres Capitaines des places és costes de la mer, & si auoit ce mesme Luchialy grand nombre d'Esclaues Chrestiens, dont il auroit peu seseruir en telle occasion. Aussi que le negoce des Espagnols ne seroit vtile aux Turcs, d'autant qu'ilsne porteroient en Leuant tant de deniers que font vos sub. jects pour y achepter des soyes que leurs pais produisent en plus grande quantité qu'il ne leur en convient. Car on sçait assez que la prouince de Grenade en fournit à toute l'Espagne. Le Royaume de Naples & le Duché de Milan en rapportent seur prouision, & la Sicile en produit pour elle & pour aucuns païs, qui luy sont estrangers. Et quant aux espiceries & drogueries les Portugais & Espagnols les tirent des Indes de Portugal, & en peuuent mesmes debiter & fournir leurs voisins.

Cevx qui ont voyage & pratiqué en Constantinople, & autres lieux de l'Empire des Turcs ontassez recogneu, que lors que le negoce des François, notamment pour le faict des Soyes y manquera : les brouïlleries · voire les guerres ciuiles, ne

tarderont à y naistre, en ce que l'on leuera le trauail & le gain de beaucoup de ses subjects aux païs qu'il tient en Asie. Et d'ailleurs que l'on diminuëra ses Gabelles, ainsi qu'elles ont commencé à diminuer du costé d'Egipte, depuis la descouuerte des Indes de Portugal. Sur lesquelles gabelles. partie de la milice de ces pais est payée, chose qu'aucuns Bachas & principaux Ministres de l'Empereur des Turcs onten certaines occasions esté contraints d'aduouër', C'estaussi comme vn moyen pour renouueller & entretenir les guerres, entre les Turcs, & les Perses, car la plus gran. de partie de ses Soyes viennent de Perse. Tellement que ce negoce est (entre ces nations) de grande consideration. Et tel qu'il cause les trefues & suspensions d'armes, qui arriuent entre l'Empereur des Turcs & le Roy de Perse.

A v regard du Roy d'Espagne, il sera tousiours bien aise de n'auoir aucune alliance auec l'Empereur des Turcs: asin que ce soit vn moyen pour employer aucuns de ses subiects des Royaumes de Naples, de Sicile & autres, & y empescher par cela les brouïlleries & guerres eiuiles. Aussi ne voudroit-il donner entrée aux Morisques en ses Estats qu'il en a chassez depuis

43

l'annee 1610. Et puis il seroit tousiours diuerti de céla par le Pape, & par le Clergé de ses pais. Au surplus le Roy d'Espagne& ses subiects auront tousiours à plaisir telle reuoquation d'amitié & d'alliance auec les Turcs: Car en premier lieu, peu de ses subiects se trouuent propres aux entreprises de Leuant: regardans seulement les Indes. Et d'ailleurs que ce sera tousiours d'autant plus de seureté pour le trajet & commerce de ces pais. Ce sont (ce semble) assez de raisons pour deprimer ceste opinion que l'Empereur des Turc, & le Roy d'Espagne puissent entrer eu aucune alliance.

OR, SIRE, s'il n'est iugé expedient pat vostre Majesté, la Royne vostre Mere & Nosseigneurs de vostre Conseil de reuoquer (quant à present) ceste alliance, ny d'entendreaux armemens de mer proposez: au moins est il tres-necessaire, pour la grandeur & le bien de vostre Royaume, que le luxe en soit banny. Car c'est le seul moyen de maintenir les familles, & d'employer beaucoup de vos pauures subjects, qui sont comme reduits à la médicité. De mesme c'est le moyen d'empescher le transport de l'argent qui demeurera apres en vostre Royaume, & ne sera plus trans-

Fij

porté és pays de l'Empereur des Turcs ny en Italie, lesquels par consequent en demeureront dautant affoiblis. Aussi, Sire, il semble n'estre pas peu necessaire de donner des commandemens fort expres, pour faire la guerre aux Corsaires de Barbarie, tant en mer qu'en terre, soit pour d'autant faire reluire la grandeur de vostre Majesté, que pour la seureté & tranquillité de vos subiects. Et comme nos ayeuls ont donné à ce bon Roy Louis XII. le glorieux tiltre de Pere du peuple. Vousacquerrez celuy de Restaurateur de la France. Et dauantage vous serez la terreur des estrangers: Car il ne sepassera pas huict ou dix annees que vostre Monarchie ne soit l'vne des plus riches, & plus puissantes qu'il y eust oucques. Tous vos subiects des trois Ordres de ce Royaume vous beniront en vne si saincte resolution, & chacune d'elle en particulier en aura subiect. Les Ecclesiastiques de veoirvne action à la gloire de Dieu & à l'augmentation de la Chrestienté: Les nobles vn chemin ouvert pour acquerir de l'honneur & de la reputation, Letiers estat, que les manufactures seront remises en ce Royaume, & tous ensemble d'y veoir le luxe banny, & que les pauures gens artisans seront employez.

Nulle des villes & communautez en fera plainte, si ce n'est possible la ville de Marseille (refuge & retraicte de plusieurs estrangers) & quasi seule de ce Royaume qui fait ce negoce en Leuant: Mais à tort & sans raison se plaindroit elle, à vne si saincte resolution: car c'est vn crimeaux subjets de transporter l'argent hors le Royaume, comme il se faict par ceste ville là & en telle quantité que ce qui en est transporté par chacun an, au pais de l'Empereur des Turcs, & en Italie, monteà plus de sept millions d'escus en argent monnoié. Vn seul vaisseau portera quelquefois en Leuant plus de trois cens mil escus en vn seul voyage, la ville de Marseille n'en trouuera pas la permission inseree en ses priuileges, & que pour la consideration, ou à mieux dire pour engraisser les estrangers (car eux & non les naturels Marseillois font le principal negoce des Soyes) il faille que tout le Royaume souffre & tombe en decadence. Elle ne paye ny tailles ny aucune autre recognoissance à vostre Majesté, les autres villes, & les villages de vostre Royaume les payent, qu'il faut donc ques restau. rer, comme vn corps duquel on a quasi tout tiré le sang. Ceux de Marseille sont subjects à vostre Majesté doinent obeissance à ses ordonnances. Qui par expres defendent le transport de l'argent hors le Royaume, come en toutes Monarchies & Republiques bien ordonnées, & ausurplus ce sera (ce semble) aussi le bien des habitas de la ville de Marseille, & desautres de la coste de Prouece. En premier lieu ils ne serot plus exposezaux depredetions & tirannies des Corsaires de Barbarie, comme ils sont aux nautgations de Leuant, aucuns ont esté ruinez de ce costé, du moins aura on moyen de se ressentir de ce que feront ces Corsaires, ils ne demeureront pour cela sans employ, les courageux ne seront plus necessitez d'aller rechercher le Duc de Florence, la Religion de Malte, ny le Viceroy de Naples, carfous l'authorité de vostre Majesté, ils pourront faire la guerre en Leuant, & les autres portez au commerce le pourront taire aux Indes, & autres païs ou aucuns d'eux ont dessaccoustume de voyager, mesmes auront assez de moyen de dresser entr'eux vne com. pagnie, come celle d'Ansterdan, & quant bien il n'y auroit aucune reuoquation de ceste alliance: mais seulement un bannissement du luxe & de l'aport des Soyes, ils auroient encore assez dequoy negocier & trafiquer en d'autres marchandiles aux

pais des Turcs, pourueu que les naturels habitans & subjects du Roy feissent cenegoce, & que les estrangers fussent rejettez de la ville de Marseille & renuoiez en leurs païs. Ils n'y trouueront doncques perte ny diminution de leur gain accoustumé, ny rien difficile que le commencement, si ce n'est ceux qui sont maintenant pourueus d'aucuns Consulats de Sirie, & tiennent le droict de la table de la mer: Mais ils ont tout subject de se contenter des grandes richesses qu'ils y ont acquis, & tellement que de gens de moyenne extraction qu'ils sont, ils ont tant de commoditez & derichesses, qu'ils mesprisent au-iourd'huy l'alliance des meilleures & plus nobles maisons de toute la Prouence, Mais, SIRE, que ces Consulats de Sirie, ny celuy d'Alexandrie d'Egipte ne soient (s'il vous plaist) considerez en une si saincte Proposition.

